



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422

fax. +387 33 726 423

e – mail: info@voda.ba

Broj: **UP-1/21-3-40-176-3/26**

Datum: **06.05.2026. godine**

„Agencija za vodno područje rijeke Save“ Sarajevo rješavajući po zahtjevu korisnika Javna ustanova za medicinsku rehabilitaciju i banjsko liječenje - lječilište „Reumal“ Fojnica za izdavanje vodne dozvole za zahvat vode iz dva vodozahvatna objekta FB-1 i FB-2 u svrhu obezbjeđenja potrebnih količina vode za zdravstvene, rekreativne i sanitarne potrebe lječilišta „Reumal“, Fojnica, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola korisniku - Javnoj ustanovi za medicinsku rehabilitaciju i banjsko liječenje - lječilište „Reumal“ Fojnica za zahvatanje vode iz dva vodozahvatna objekta u svrhu obezbjeđenja potrebnih količina vode za zdravstvene, rekreativne i sanitarne potrebe, pri čemu se zahvatanje vrši putem bunara:
FB-1 (sa izvorišta „Banja“) u količini od $Q = 15,0$ l/s i
FB-2 (sa bunara „Banja“) u količini od $Q = 40$ l/s.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da korisnik predmetne vodozahvatne objekte održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Korisnik vodocrpilišta treba da u cilju kontrole, evidencije i plaćanja količina zahvaćene vode vrši mjerenje iste što se u ovom trenutku obezbijeduje putem mjerača protoka: na bunaru FB-1 ugrađen je vodomjer (za pravac hotela Reumal-Nova bolnica-termalna voda) broj: 10W700169, na bunaru FB-2 ugrađeni su vodomjeri: (za pravac lječilište Reumal) broj: NO8000990, broj: D13NO26678R i (za pravac lječilište „Nova bolnica“) broj: D13X102667U. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenih mjernih uređaja za evidentiranje zahvaćenih količina vode, opreme na postrojenju za kloriranje kao i na objektima transportnog sistema (pumpe, vodomjeri, zatvarači itd.), odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno spriječiti moguće isticanje hlora i drugih komponenti iz objekta. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.6. Da korisnik osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće („Službeni glasnik BiH“, 40/10, 43/10, 30/12 i 62/17).
 - 2.7. Da kontrolu ispitivanja kvaliteta vode za potrebe vodosnabdijevanja vodom za piće mogu vršiti ovlaštene laboratorije, u skladu sa članom 48. stav (3) Zakona o vodama.
 - 2.8. Da se, ukoliko se prilikom redovnih ili vanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
 - 2.9. Da se u vrijeme trajanja ove vodne dozvole postojeća Odluka o zaštiti vodoprivrednih objekata FB-1 i FB-2, broj: 04/30-944/13 od 28.02.2013. godine, donesena od strane RRC „Fojnica“,

Fojnica uskladi sa "Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva" ("Službene novine Federacije BiH", broj 88/12).

- 2.10. U cilju najstrožije kontrole prostora na kome su smješteni: vodozahvatni objekti sa pripadajućim armaturama, fazonskim komadima, vodomjerima i drugom pripadajućom opremom potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko bunara FB-1 - izvorište „Banja” i bunarsku kućicu izgrađenu oko bunara FB-2 - bunar „Banja” potrebno je održavati što znači da je ovaj prostor potrebno kositi, uklanjati samoniklo šibljje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
- 2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenih vodozahvatnih objekata, kao dijela cjelokupnog sistema vodosnabdijevanja.
3. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
4. Korisnik objekta treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).
5. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
6. Ova vodna dozvola, shodno članu 117. stav (1) Zakona o vodama („Službene novine Federacije BiH”, broj 70/06) se daje sa rokom važenja od pet (5) godina od pravosnažnosti ovog rješenja.
7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
8. Za izgradnju novog ili rekonstrukciju ili uklanjanje postojećih objekata te promjene uslova zahvatanja vode, ako bi se time uticalo na promjenu kvaliteta i kvantiteta voda, odnosno, ako se time mogu trajno, povremeno ili privremeno prouzrokovati promjene u režimu voda, korisnik predmetnog objekta je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

Obrazloženje

Javna ustanova za medicinsku rehabilitaciju i banjsko liječenje - lječilište „Reumal” Fojnica zahtjevom broj: 3/4-1662 od 24.04.2026. godine koji je zaprimljen na protokolu Agencije 28.04.2026. godine obratio se Agenciji za izdavanje Rješenja o vodnoj dozvoli za zahvat iz dva vodozahvatna objekta u svrhu obezbjeđenja potrebnih količina vode za zdravstvene, rekreativne i sanitarne potrebe pri čemu se zahvatanje vrši putem bunara: FB-1 (sa izvorišta „Banja”) zahvata voda u količini od $Q = 15,0$ l/s i iz bunara FB-2 (sa bunara „Banja”) u količini od $Q = 40$ l/s.

Uz zahtjev je dostavljena sljedeća dokumentacija:

- Aktuelni izvod iz sudskog registra, broj: 051-0-RegZ-26-000641 od 30.03.2026. godine izdat od strane Općinskog suda u Travniku – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-3937-2/14 od 20.06.2014. godine izdato od strane Uprave za indirektno oporezivanje Banja Luka – kopija,
- Uvjerjenje o poreznoj registraciji od 21.05.2014. godine izdato od strane Kantonalnog poreznog ureda Novi Travnik – kopija,
- Izvještaj o količini zahvaćene vode za mjesec mart 2026. godine,
- Izvještaj o ispitivanju vode za piće, broj: 799/26 od 19.03.2026. godine urađen od strane Zavoda za javno zdravstvo SBK/KSB Travnik,

- Izvještaj o ispitivanju vode za piće, broj: 797/26 od 19.03.2026. godine urađen od strane Zavod za javno zdravstvo SBK/KSB Travnik,
- Ekspertno mišljenje katedre za farmakologiju, toksikologiju i kliničku farmakologiju za ljekovitost proizvoda termalna voda, urađeno od strane Javna Ustanova za Medicinska Rehabilitacija i Banjsko liječenje-Lječilište „Reumal“ Fojnica, mart 2024. godine,
- Odluka o zaštiti vodoprivrednih objekata FB-1 i FB-2, broj: 04/30-944/13 od 28.02.2013. godine donesena od strane RRC-a „Fojnica“ u Fojnici – kopija,
- Ugovor o koncesiji za korištenje termomineralne vode sa izvorišta „Banja“ i bunara „Banja“ za zdravstvene i rekreativne svrhe u Općini Fojnica, broj: 814/06 od 16.10.2006. godine i Aneks 1. Ugovora o koncesiji, broj: 1295/15 od 31.03.2015. godine potpisan sa Ministarstvom poljoprivrede, vodoprivrede i šumarstva Srednjobosanskog kantona – kopija,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-176-2/26 od 05.05.2026. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Medicinsko rehabilitacioni i hotelski kompleks lječilišta "Reumal" Fojnica snabdijeva se vodom iz dva vertikalno bušena bunara FB-1 i FB-2. Trenutno se koristi samo arteški efekat ovih bunara, što podrazumijeva korištenje samoizliva iz bunara FB-1 i gravitacioni transport vode do terapijskih objekata u hotelu "Reumal", te korištenje prirodnog nadpritiska bunara FB-2 za vodosnabdijevanje i zagrijavanje hotela.
- Bunar FB-1 izveden je 1984. godine u selu Banja, oko 1 km sjeverno od lječilišta Reumal. Dubina bušenja iznosila je 250 m. Prečnici bušenja su bili od 0,0-20,0 m ϕ 609,6 mm, od 20,0-122,0 m ϕ 311,0 mm. Bušenje je izvedeno rotacionom metodom. Nakon izvedbe iz bunara je registriran samoizliv u količini 20 l/s. U posljednje vrijeme, posljednje dvije do tri godine, u toku izrazito sušnih perioda, primjetan je prestanak samoizliva, te je iz tih razloga u bunar ugrađena centrifugalna pumpa koja nakon rada od pola do sat vremena dovede do ponovnog "pobuđivanja" bunara i pojave samoizliva. Voda iz ovog bunara se koristi isključivo za hidroterapije. Temperatura vode iznosi oko 30,8 ° C. Voda iz bunara FB-1 se zahvata u količini od 15 l/s. Bunar je ograđen, pod ključem i svakodnevnom kontrolom.
- Bunar FB-2 izveden je 1985. godine i nalazi se unutar kompleksa „Reumal“. Ukupna dubina bušenja iznosila je 150 m. Prečnici bušenja su bili od 0,0-56,0 m ϕ 273/259 mm, od 56,0-96,0 m ϕ 219/203 mm, od 96,0-124,0 m ϕ 200,0 mm, od 124,0-134,0 m ϕ 219/203 mm i od 134,0-150,0 m ϕ 219/203 mm. Bunar je arteškog karaktera sa samoizlivom od oko 200 l/s registriranim nakon završetka bušenja. Iz bunara se vrši vodosnabdijevanje Centra sa pratećim rekreacijskim objektima tj. bunar FB-2 ima ukupno pet (5) odvoda kojim se snabdijevaju: "Nova Bolnica", "Hidranti", "Bypass", "Reumal", te se koristi za rad toplinskih pumpi. Temperatura vode u bunaru iznosi oko 22,0° C i pritiskom od 4,5 bara. Za zadovoljenje potreba za vodom kompleksa Reumal iz bunara se zahvata količina vode od 40 l/s. Bunar sa pratećom opremom se nalazi u sklopu zidanog objekta, pod ključem i nadzorom.
- Provedene analize kvaliteta zahvaćenih voda pokazuju da se radi o vodama niske mineralizacije, pretežno kalcijum-hidrokarbonatnog tipa. Vode imaju povoljan odnos kalcija i magnezija, dok je sadržaj nitrogena i organskih materija neznatan. Ostali mjerni pokazatelji odgovaraju kriterijima Pravilnika o zdravstvenoj ispravnosti vode. Analize vode se vrše kontinuirano od strane Zavoda za javno zdravstvo Srednjobosanskog kantona Travnik.
- Vodomjeri na vodozahvatnim objektima su ugrađeni, odnosno na bunaru FB-1 ugrađen je vodomjer za pravac hotela Reumal-Nova bolnica-termalna voda, broj: 10W700169, na bunaru FB-2 ugrađeni su vodomjeri za pravac: lječilište Reumal broj: NO8000990, broj: D13NO26678R i lječilište „Nova bolnica“ broj D13X102667U.
- Korisnik vrši stalnu dezinfekciju vode klorisanjem kao i kontrolu rezidualnog klora u pitkoj vodi u distributivnoj mreži, a u skladu sa Pravilnikom o zdravstvenoj ispravnosti vode za piće.

- U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta mineralne, termalne i termomineralne vode ("Službene novine Federacije BiH", br. 88/12) nije donesena Odluka o zaštiti izvorišta. U toku je aktivnost na izradi elaborata o zaštiti izvorišta. Na snazi je Odluka o zaštiti vodoprivrednih objekata FB-1 i FB-2, broj: 04/30-944/13 od 28.02.2013. godine donesena od strane RRC „Fojnica“, Fojnica.
- Javna ustanova za medicinsku rehabilitaciju i banjsko liječenje - lječilište „Reumal“ Fojnica ima potpisan Ugovor o koncesiji sa Ministarstvom poljoprivrede, vodoprivrede i šumarstva Srednjobosanskog kantona za korištenje termomineralne vode sa izvorišta „Banja“ i pitke vode iz bunara „Banja“ za zdravstvene i rekreativne svrhe u općini Fojnica.
- Na samom vodocrpilištu, vodozahvatnim objektima u prethodnom periodu (od izdavanja prethodnog Rješenja o vodnoj dozvoli) nisu vršeni građevinski radovi (rekonstrukcije i sl).
- Korisnik će u narednom periodu pokrenuti aktivnosti na rekonstrukciji bunara. U toku su aktivnosti na definisanju projektnog zadatka i odabiru firme za provođenje dodatnih detaljnih istražnih radova i ispitivanja, bilansiranju voda i dr.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JU lječilište „Reumal“ Fojnica, ovom vodnom dozvolom su, u tački 2. dispozitiva rješenja, propisani uslovi korištenja vodozahvatnih objekata. Podnosilac zahtjeva, kao korisnik vodozahvatnih objekata obavezan je pridržavati se navedenih uslova, u skladu sa članovima 48., 64., 66., i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JU lječilište „Reumal“, ispunio minimum uslova za izdavanje vodne dozvole za zahvat vode iz bunara FB-1 i FB-2 u svrhu obezbjeđenja potrebnih količina vode za zdravstvene, rekreativne i sanitarne potrebe lječilišta „Reumal“, Fojnica, te je riješeno kao u dispozitivu ovog rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JU lječilište „Reumal“
Banjska br.1, 71210 Fojnica,
- AVP-ISV-Vodna knjiga,
- Sektor 50,
- Sektor 40, arhiva,
- oglasna ploča – AVP Sava